

Սիրելի հայրենակիցներ,

Զայ Զամայնքի Պետական Ներկայացուցիչի 22 Մայիս 2011-ի ընտրութիւնը, որուն նախօրեակին, ընտրապայքարի բերումով, գաղութէն ներս ստեղծուած էր անհաճոյ ու ակնկոծ իրավիճակ մը, վերջ գտաւ Կիպրահայութեան հաստատ դիրքորոշումով եւ յաջողութեան տոկոսի հսկայական տարբերութեամբ: Յաջողութիւն մը, ինչպէս հրապարակաւ յայտնեցի, կը պատկանի բոլորիս, եւ կը պարտաւորեցնէ որ խղճմտութեամբ, բժախնդրութեամբ ու մեծ պատասխանատուութեամբ շարունակեմ հինգ տարիներ առաջ սկսած գործունէութիւնս:

Ուրախ եմ յայտնելու, թէ ընտրութիւններէն անմիջապէս ետք, Կիպրահայութեան առօրեայ կեանքը մտաւ իր բնականոն հունին մէջ եւ յետ-ընտրական շրջանին կը տիրէ հանդարտ ու հանդուրժողական ոգի: Այս մէկը կը փաստէ, թէ ստեղծուած կացութիւնը ո՛չ միայն շինծու էր ու անհիմն, այլ անտեղի ցեխարծակումներու եւ զրպարտութիւններու միջոցով, կարգ մը անձեր փորձեցին պղտորել գաղութի անհատներուն միտքերը, որոնք սակայն չյաջողեցան:

Մամլոյ 24.05.2011 թուակիր հաղորդագրութեամբ մը, սրտագին շնորհակալութիւններս յայտնեցի բոլորին անխտիր, որուն պատճէնը արտատպած ենք «Լրատու»ի այս թիւով:

Ինչպէս նշմարեցիք, ձեզի կը ներկայացնեմ մեր փոքր գաղութէն ներս գեղեցիկ սովորութիւն դարձած եռամսեայ «Լրատու»ն թարմացած դիմագիծով, որ կու գայ յիշեցնե-

լու, թե մեր գրասենեակի տեղեկատունն ալ թեևակոխեց իր երկրորդ հնգամեակը եւ պիտի շարունակէ լոյս տեսնել հերթականութեամբ, միշտ տեղեակ պահելով ձեզի գաղութի իրադարձութիւններուն եւ կատարուած աշխատանքներուն մասին: Անգլերէն լեզուով ամփոփ թարգմանութիւնն ալ, ինչպէս անցեալին, պիտի գտնէք www.cyprusarmenians.com կայքէջին մէջ:

Քաղաքական գրասենեակիս աշխատանքները կ'ընթանան հեզասահ կերպով եւ նոյն անձնակազմով: Հոս կ'ուզեմ նշել, թէ խորհրդարանական գրասենեակիս գործակիցը՝ Տիկ. Կապրիէլլա Պետրիտուն, որուն սրտագին յաջողութիւն կը մաղթեմ, կանովին հրաժարած է պաշտօնէն, 23 Մայիս 2011-էն սկսեալ զինք փոխարինած է Տիկ. Սթալօ Նիքրլաու-Եագուպեանը:

Վերջին երեք ամիսներու գործունէութեան մասին անդրադարձած ենք «Լրատու»ի յաջորդող էջերով: Պիտի փորձենք մեր տեղեկագրութիւնը պահել կարճ ու ամփոփ, ձանձրոյթ չպատճառելու միտումով: Այս թիւին հետ, ներփակ պիտի գտնէք նաեւ Կիպրոսի Պետական Համալսարանի Հայերէն լեզուի դասընթացքներու նոր կրթական տարեշրջանի վերսկսման յայտարարութիւնը:

Խօսքիս վերջաւորութեան, մեծ հաճոյքով ձեզի կը փափաքիմ տեղեկացնել, թէ անցեալ տարուրնէ աշխարհի շուրջ շրջապտոյտի ելած «Արմենիա» հայրենի նաւը, իր եօթը հոգինոց անձնակազմով՝ գլխաւորութեամբ Զօրի Բալայեանի, առաքելութիւնը աւարտելով Հինգշաբթի, 11 Օգոստոս 2011-ին խարիսխ պիտի նետէ Լիմասոլի նաւահանգիստը: Այս առնչութեամբ, ընդառաջելով ու գործակցելով Յունաստանի եւ Կիպրոսի մօտ ՀՀ դեսպանութեան հետ եւ ի մտի ունենալով, որ այս պատմական շրջապտոյտին աւարտը կը զուգադիպի Հայաստանի Հանրապետութեան անկախութեան 20-ամեակին, յատուկ դիմաւորման

արարողութիւն եւ միջոցառում տեղի պիտի ունենայ Լիմասոլի նաւահանգիստը, ներկայութեամբ երկու երկիրներու Նախագահներուն, բարձրաստիճան պետական եւ այլ անձնաւորութիւններու, ինչպէս նաեւ գաղութի անդամներուն: Այս մասին յատուկ թերթիկ մը ներփակած ենք «Լրատու»ի այս թիւին մէջ՝ կարգ մը մանրամասնութիւններ յայտնելու նպատակով:

Բոլորիդ մաղթելով խաղաղ, ապահով ու կազդուրիչ ամառնային արձակուրդ մը, հրաժեշտ կ'առնեն ձեզմէ՝ լաւագոյն բարենաղթութիւններով:

Վարդգէս Սահտեսեան
Կիպրահայ Զամայնքի Պետական Ներկայացուցիչ

ԵՌԱՄՍԵԱՅ ԳՈՐԾՈՒՆԵՈՒԹԻՒՆ

Ապրիլեան Եղեռնի
96-րդ ամեակի ոգեկոչման ձեռնարկներ



Ինչպես միշտ, այս տարի եւս, Կիպրոսի Ոգեկոչման Յանձնախումբի կազմակերպութեամբ՝ Մեծ Եղեռնի 96-րդ ամեակի ոգեկոչման ձեռնարկները սկիզբ առին Չորեքշաբթի, 20 Ապրիլի արիւնատուջութեամբ՝ որ տեղի ունեցաւ Սիկոսիոյ Նարեկ Վարժարանի Նախասրահին մէջ: Զինգշաբթի, 21 Ապրիլին, Պետական Զեռատեսիլի երկրորդ կայանէն (RIK2), սփռուեցաւ «Վերապրողները» վաւերագրական ժապաւենը: Երկուշաբթի, Ապրիլ 25-ի առաւօտեան, Սուրբ Պօղոս Մատուռին մէջ տեղի ունեցաւ հոգեհանգստեան արարողութիւն՝ 1.5 միլիոն Նահատակներու յիշատակին, որուն յաջորդեց երեկոյեան ժամերուն աւանդական դարձած քայլարշաւը: Քայլարշաւէն ետք, Սիկոսիոյ Նահատակաց Յուշարձանին դիմաց տեղի ունեցաւ կոկիկ հանդիսութիւն, գաղութէն ներս գործող կուսակցութիւններու ներկայացուցիչներուն եւ հայ համայն-

քի հոծ բազմութեան մը ներկայութեան: Օրուան պատգամը փոխանցեց Կաթողիկոսական Փոխանորդ Վարուժան Սրբազան, որմէ ետք, Պետական Ներկայացուցիչ Պրն. Վարդգէս Մատենան, ուղերձի իր խօսքով, շեշտեց «միասնաբար գործելու անհրաժեշտութիւնը» դիմագրաւելու մեր դէմ ցցուած արգելքները, որոնք կը միտին Հայ ժողովուրդը պառակտելով տկարացնել: Ս. Աստուածածին Եկեղեցւոյ երգչախումբը կատարեց շարականներու եւ օրուան խորհուրդը փոխանցող պատշաճ երգերու փունջ մը, որմէ ետք ծաղկեպսակներ ու ծաղիկներ զետեղուեցան Նահատակաց Յուշահամալիրին առջեւ:



Քաջալերանքի արժանի էր այս տարի Փերա Խորիու եւ Նիսու Երկրորդական Վարժարանի հայ ուսուցիչ Պրն. Լե-



ուն Գազանճեանի նախաձեռնութիւնը, որու ջանքերուն շնորհիւ, վերոյիշեալ վարժարանէն ներս Երեքշաբթի, 10 Մայիս 2011-ին, կազմակերպուեցաւ «Յայկական Յեղասպանութիւնը երեկուրնէ մինչեւ այսօր» միջոցառումը՝ նուիրուած Եղեռնի 96-րդ ամեակին: Օրուան նախագահն ու բնախօսն էր Խորհրդարանի Նախագահ Մարիոս Կարոյեան: Ներկայութեամբ Կրթութեան եւ Մշակոյթի Նախարարութեան պաշտօնակատարներու, Կիպրահայ Պետական Ներկայացուցիչին, Նարեկ Վարժարաններու տնօրէնութեան եւ հոգաբարձական կազմի անդամներուն, մասնակցութեամբ «Սիփան» պարախումբին, Սոփրանօ Սոնա Կարկալոյեանի եւ Երգիչ Յովիկ Տէմիրճեանի, զգայացունց այս ձեռնարկը մեծ տպաւորութիւն ձգեց 600 յոյն աշակերտներուն եւ ներկաներուն մօտ:

Պրն. Մահտեսեան յատուկ շնորհաւորագիր մը յղելով, շնորհաւորեց ի մասնաւորի Պրն. Լէւոն Գազանճեանը եւ բոլոր կազմակերպողները՝ այս բացառիկ ձեռնարկին յաջողութեան համար:

Ուխտագնացութիւն դէպի Մակարավանք



Կիրակի, 8 Մայիս 2011-ին, չորրորդ անգամ ըլլալով, Պետական Ներկայացուցիչի Գրասենեակի եւ Ազգային Առաջնորդարանի կազմակերպութեամբ եւ միացեալ ջանքերով, տեղի ունեցաւ աւանդական դարձած ուխտագնացութիւնը դեպի Մակարավանք, Կիպրոսի Միացեալ Ազգերու Կազմակերպութեան վերահսկողութեամբ: Այս տարի մօտ 150 անձեր մասնակցեցան այս ուխտագնացութեան, ներառեալ «Երկիր Մետիա» հեռատեսիլի երկու հոգիներ անձնակազմին, որ Կիպրոս կը գտնուէր Կիպրահայութեան ամօրեայ կեանքը նկարահանելու նպատակով: Վարուժան Արքեպիսկոպոսի եւ Նիկոսիոյ քահանայ Զօր առաջնորդութեամբ, պատշաճ արարողութիւն մը կատարուեցաւ քարուքանդ մատուռի խորանին արջեւ: Ուխտագնացները վերանորոգելով իրենց ուխտը, գոհացած վերադարձան իրենց տուները: Նոյն օրը երեկոյեան, Երեսփոխանական Գրասենեակին կողմէ մամլոյ հաղորդագրութիւն մը յղուեցաւ բոլոր տեղական թերթերուն եւ հեռատեսիլի կայաններուն:

«Չայերը Կիպրոսի Մէջ»

վաւերագրական ժապաւենի ցուցադրութիւն

Յինգշաբթի, 19 Մայիս 2011-ի երեկոյեան, Նիկոսիոյ K-Cineplex շարժապատկերի թիւ 2 սրահին մէջ, տեղի ունեցաւ Կիպրահայութեան պատմութիւնը ամփոփող «Չայերը Կիպրոսի Մէջ» պատմա-վաւերագրական աննախընթաց ժապաւենի ցուցադրութիւնը, ներկայութեամբ մօտ 250 հոգիի: Իր տեսակին մէջ իւրայատուկ նախաձեռնութիւն մը, որու շնորհիւ ներկաները մեծ յուզմունքով վերյիշեցին ու վայելեցին անցեալի յուշերը՝ շուրջ 50 վայրկեան տևողութեան ընթացքին: Անգլերէն լեզուով տարբերակի պատրաստութիւնը գրեթէ աւարտած է եւ մօտ ատենէն ձեզի տեղեակ պիտի պահենք տեսահոլովակը (DVD) ա-

պահովելու մանրամասնություններուն մասին:

Նարեկ Հայկական Վարժարաններու կեանքէն



Երեքշաբթի, 17 Մայիս 2011-ին տեղի ունեցաւ Նիկոսիոյ Նարեկ Վարժարանի նոր հանդիսասրահի բացման պաշտօնական արարողութիւնը՝ ձեռամբ Կիպրոսի Կրթութեան Նախարար Պրն. Անտրեաս Տիմիթրիուի, նախագահութեամբ Պետական Ներկայացուցիչ Պրն. Մահտեսեանի, օրհնութեամբ Կաթողիկոսական Փոխանորդ Վարուժան Արքեպիսկոպոսի եւ քահանայ հայրերուն, ներկայութեամբ հայ եւ օտար պաշտօնական անձնաւորութիւններու ու ծնողներու: Պրն. Մահտեսեան իր պատգամին մէջ անդրադարձաւ հայ դպրոցին շնորհած կենսական դերակատարութեան եւ դարերու ընթացքին մեր գոյութեան հիմնաքարը հանդիսացող այս կառոյցին կարելորութեան:

Չորեքշաբթի, 18 Մայիս 2011-ին, տեղի ունեցաւ Նարեկ Վարժարաններու տարեկան մարզահանդէսը, նախագահութեամբ Պետական Ներկայացուցիչին: Այս ձեռնարկի աւարտին, Պրն. Մահտեսեան կատարեց մետալներու

յանձնում՝ թե առաջնակարգ դիրքերը գրաւող եւ թե իրենց մասնակցութիւնը բերող բոլոր աշակերտներուն:



Չորեքշաբթի, 8 Յունիս 2011ին, տեղի ունեցաւ Նիկոսիոյ Նարեկ Վարժարանի Մանկապարտեզի տարեկան հանդէսը, որուն ներկայ գտնուեցաւ Տիկին Մակի Մահտեսեան:

Իսկ Չորեքշաբթի, 15 Յունիս 2011-ին, տեղի ունեցաւ Նարեկ Վարժարաններու Նախակրթարանի եւ Միջնակարգի Ամալերջի հանդէսը, նախագահութեամբ Պետական Ներկայացուցիչին: Հանդէսի վերջաւորութեան, Վարուժան Արքեպիսկոպոս եւ Պրն. Մահտեսեան կատարեցին վկայականներու բաշխում, օգնութեամբ Վարժարանիս տնօրէնուհի Տիկ. Վերա Թահմագեանի:

Յաջորդ Չորեքշաբթի, 22 Յունիս 2011-ին, Նարեկի շրջանաւարտները, տնօրէնութիւնն ու ուսուցչական կազմը, ինչպէս նաեւ կղզիին բոլոր հայ շրջանաւարտները, ներկայութեամբ Վարուժան Արքեպիսկոպոսի եւ քահանայ հայրերու, հիւրասիրուեցան Տէր եւ Տիկին Վարդգէս Մահտեսեաններու բնակարանը:



Յիշենք, թե այս տարի եւս, Պետական Ներկայացուցիչին Նախաձեռնութեամբ եւ ծախսերով, Նարեկ Վարժարաններու Նախակրթարանի շրջանաւարտ աշակերտները, երկու ուսուցիչներու ընկերակցութեամբ, Հայաստան մեկնեցան Կիրակի, 10 Յուլիսին, երկու շաբթուայ ժամանակաշրջանով, մասնակցելու համար «Արի Տուն» ծրագրի ծիրէն ներս կազմակերպուած շրջապտոյտին:



**Հայ Համայնքի Պետական Ներկայացուցիչ
ընտրություններ 22 Մայիս 2011**



Կիրակի, 22 Մայիս 2011-ին, Նարեկ Հայկական Վարժա-
րաններու երեք քաղաքներու քուէակեդրոններուն մէջ,
տեղի ունեցաւ Հայ Համայնքի Պետական Ներկայացուցի-
չի ընտրութիւնը: Երեկոյեան ժամը 7:30ին յստակացաւ
Պրն. Մահտեսեանի վերընտրութիւնը՝ 68% քուէներու ա-
պահովումով: Ստորեւ, կը ներկայացնենք ընտրութիւննե-
րու քուէներու արդիւնքը եւ տոկոսային պատկերը իւրա-
քանչիւր քաղաքի մէջ.-

	<u>Վարդգէս Մահտեսեան</u>		<u>Անդրանիկ Աշճեան</u>	
	<u>Քուէ</u>	<u>Տոկոս</u>	<u>Քուէ</u>	<u>Տոկոս</u>
Նիկոսիա (2 կեդրոն)	717	67%	353	33%
Լառնաքա	220	69%	101	31%
Լիմասոլ	<u>168</u>	<u>69%</u>	<u>74</u>	<u>31%</u>
Ընդհանուր քուէ	1,105	68%	528	32%

Ընտրութեան պաշտօնական արդիւնքներու յայտարարութեան արարողութենէն ետք, Պրն. Վարդգէս Մահտեսեան ժամանելով ՅԵՄ-Յ.Ս.Ը.Մ.-ի մարզադաշտ, սկիզբ առաւ հրապարակային խնճոյքը, այս առթիւ Պէյրութէն յատկապէս հրաւիրուած երգիչին խանդավառ երգերու մեկնաբանութեամբ, որ տեւեց մինչեւ առաւօտեան կանուխ ժամերը, ներկայութեամբ հոժ բազմութեան: Պրն. Մահտեսեանի նոյն գիշերուայ յայտարարութիւնը՝ «այս յաղթանակը կը պատկանի բոլորիս», եկաւ ապացուցելու, թէ Կիպրահայութիւնը մէկ ամբողջութիւն է եւ պիտի շարունակէ համերաշխութեամբ գոյատեւել ու բարգաւաճիլ՝ ի շահ գալիք սերունդներու բարօրութեան:

Պետական Ներկայացուցիչ Վարդգէս Մահտեսեանի այցը Ն.Ս.Օ.Տ.Տ. Արամ Ա. Վեհափառին

Կիպրահայ Համայնքի Պետական Ներկայացուցիչի պաշտօնին համար վերընտրուած Պրն. Վարդգէս Մահտեսեան, 11 Յունիս 2011-ին, տեսակցութիւն մը ունեցաւ Ն.Ս.Օ.Տ.Տ. Արամ Ա. Կաթողիկոսին հետ, ընկերակցութեամբ Թեմիս Կաթողիկոսական Փոխանորդ Վարուժան Սրբազանին եւ Թեմական Ժողովի ատենապետ Պրն. Սեպուհ Դալիթեանին:



Այս այցելութեան նպատակն էր լուսաբանել Վեհափառ Հայրը՝ Պետական Ներկայացուցիչի ընտրութիւններուն նախօրեակի իրադարձութիւններուն մասին: Հանդիպումի վերջաւորութեան, Վեհափառը իր օրհնութիւնը տալով շնորհաւորեց Պրն. Մահտեսեանը անոր վերընտրութեան առիթով ու մաղթեց, որ գործակցական ոգիով ու միասնաբար քննելով հետապնդել Հայ համայնքին հետ առնչուող հարցերը:

Պետական Ներկայացուցիչը ու իր տիկինը, այցելութիւն մը տուին նաեւ «Ազդակ»ի խմբագրատուն, ծանօթանալու թերթի տարբեր բնոյթի աշխատանքներուն: Պրն. Մահտեսեան գնահատեց «Ազդակ»ի երկար տարիներու առաքելութիւնը եւ հարցազրոյց մը ունեցաւ թերթին հետ, Կիպրահայ համայնքի վերջին զարգացումներուն կապակցութեամբ:

Օգտագործելով իրենց Լիբանան այցելութեան առիթը, Տեր եւ Տիկին Վարդգէս Մահտեսեան, ներկայ գտնուեցան նաեւ Համազգայինի «Քնար» պարախումբի տարեկան ելոյթին:

Պաշտօնական մակարդակի հանդիպումներ

Շաբաթ, 7 Մայիս 2011ին, Պրն. Վարդգէս Մահտեսեան ներկայ գտնուեցաւ Լիտրա Բալասի մօտ գտնուող Մարկոս Տրակու պողոտայի եւ Հայկական հին գերեզմանատան նորոգութեան աւարտման առիթով, Նիկոսիոյ Զաղաքապետ Տիկ. Էլէնի Մաւրույին յանձնումի պաշտօնական արարողութեան:

Երեքշաբթի, 21 Յունիս 2011ին, Պետական Ներկայացուցիչը տեսակցութիւն մը ունեցաւ Կիպրոսի Պետական Համալսարանի Ռեկտոր Կոստանդինոս Էրիստոֆիտիսին հետ, կրթական նոր տարեշրջանի Հայերէն լեզուի դասընթացքներուն եւ այլ հարցերու կապակցութեամբ:

Կիպրահայ գաղութի կեանքեն

Յինգզաբթի, 5 Մայիս 2011ին, Պետական Ներկայացուցիչը Թեմիս Կաթողիկոսական Փոխանորդ Վարուժան Արքեպիսկոպոսի թելադրանքով եւ ընկերակցութեամբ, Ներկայ գտնուեցաւ Յայկական Բարեգործական Ընդհանուր Միութեան Լառնաքայի մասնաճիւղի Նախաձեռնութեամբ կազմակերպուած Յայկական Մշակութային Կեդրոնի բացման արարողութեան, որ տեղի ունեցաւ ձեռամբ Ն.Վ. Կիպրոսի Յանրապետութեան Նախագահ Տիմիթրիս Խրիստոֆիասի:

Ուրբաթ, 6 Մայիս 2011ին, Տէր եւ Տիկին Վարդգես Մահտեսեաններ Ներկայ գտնուեցան Յամազգայինի «Սիփան» պարախումբի տարեկան ելոյթին, որ տեղի ունեցաւ Նիկոսիոյ Բալաս սրահին մէջ, հովանաւորութեամբ Կըրթութեան եւ Մշակոյթի Նախարար Անտրեաս Տիմիթրիույի եւ Կիպրահայ Յամայնքի Պետական Ներկայացուցիչ: Նախքան ելոյթը, Յամազգայինի Վարչութեան ատենապետ Ատուր Գարակիլլէեան բեմ հրաւիրելով Պետական Ներկայացուցիչը, Վարչութեան անունով անոր յանձնեց յուշանուէր մը՝ առ ի երախտագիտութիւն մասնաճիւղին հանդէպ Պրն. Մահտեսեանի բերած յարատեւ աջակցութեան:

Շաբաթ, 7 Մայիս 2011ին, Տէր եւ Տիկին Վարդգես Մահտեսեաններ Ներկայ գտնուեցան Յայ Աւետարանական Եկեղեցւոյ պաշտամուրթին: Օրուան պատգամաբերն էր Վերապատուելի Միհրան Ճիզմէճեան:

Կիրակի, 15 Մայիս 2011ին, Պետական Ներկայացուցիչը ու իր տիկինը Ներկայ գտնուեցան «Սիփան» պարախումբի ելոյթին, որ տեղի ունեցաւ Լառնաքայի Զաղաքապետարանի սրահին մէջ:

Ուրբաթ, 27 Մայիս 2011ին, Տէր եւ Տիկին Վարդգես Մահտեսեաններ Ներկայ գտնուեցան ՀՀԳ Կիպրոսի մարմնի եւ յարակից միութիւններու կազմակերպած Մայիս

28ի տոնակատարութեան, որ տեղի ունեցաւ Փասիտի սրահին մէջ:

Չորեքշաբթի, 1 Յունիս 2011ին, Տէր եւ Տիկին Վարդգէս Մահտեսեաններ ներկայ գտնուեցան New Hope յատուկ դպրոցի ամսվերջի հանդեսին:



Ուրբաթ, 3 Յունիս 2011ին, Պետական Ներկայացուցիչը ու իր տիկինը ներկայ գտնուեցան Վարուժան Արքեպիսկոպոսի խմբագրած երեք հատորներու շնորհահանդես-գինեձօնին, որ տեղի ունեցաւ Ազգային Առաջնորդարանի «Իւթիւճեան» սրահին մէջ: Օրուան բանախօսն էր Պրն. Եղիա Գայայեան, որ Սրբազան Զօր հետ աշխատած էր այս հրատարակութիւններու պատրաստութեան համար: Միջոցառումը կը վայելէր Տիկին Մակի Մահտեսեանի հովանաւորութիւնը:

Շաբաթ, 18 Յունիս 2011ին, Կիպրոսի Զայ Աւետարանական Եկեղեցւոյ պատուիրակութիւն մը, գլխաւորութեամբ Տիար Զրայր Ճեպէճեանի, այցելեցին Տէր եւ Տիկ. Վարդգէս Մահտեսեաններուն բնակարանը, շնորհաւորելու Պրն. Մահտեսեանին վերընտրութիւնը եւ մօտէն գրուցելու Կիպրոսի Զայ Աւետարանական Եկեղեցւոյ հետ առնչուող գանազան հարցերու շուրջ:



Նոյն օրը, երեկոյեան, Պետական Ներկայացուցիչը եւ իր տիկինը ներկայ գտնուեցան Լառնաքայի Հայ Ակումբի կազմակերպած Հայրերու օրուայ հանդիսութեան: Օրուան խորհուրդը փոխանցեց, Նարեկ Հայկական Վարժարաններու տնօրէնուհի Տիկին Վերա Թահմազեան:

Հինգշաբթի, 23 Յունիս 2011ին, Տէր եւ Տիկին Վարդգէս Մահտեսեաններ ներկայ գտնուեցան Կիպրոսի Հայ Դատի Յանձնախումբի կազմակերպած «Թուրքիան ընտրութիւններէն ետք» դասախօսութեան, որ տեղի ունեցաւ Հայ Երիտասարդաց ակումբին մէջ: Օրուայ բանախօսն էր՝ Կիպրոսի Պետական Համալսարանի Թրքերէնի եւ միջ-արեւելագիտութեան ամպիոնի Փրոֆ. Նիազի Զիզիլեուրէք:

Ճնորհաւորագիր

Կիպրահայ Համայնքի Պետական Ներկայացուցիչ Պրն. Վարդգէս Մահտեսեան, 19 Ապրիլ 2011 թուակիր գոյգ գիրերով, իր շնորհաւորութիւնները փոխանցեց Նաթաշա Թաւուքճեանին՝ «Կէս Հայ Լ.Ա.ի մէջ» թատերական իր առաջին փորձին առիթով եւ Համագայինի «Օշական» մասնաճիւղին, Հայ մշակոյթի պահպանման ու տարածման ոլորտներէն ներս վարչութիւններուն տարած աշխատանքին կապակցութեամբ:



Ծանօթանանք Կիպրոսի Չանրապետութեան Օրէնքներուն

Օտարահպատակներու եւ Ներգաղթի
Բաժանմունք

Ինքնութեան Թուղթ ոչ-Կիպրացիներու Identity Cards for non Cypriots

Օտարահպատակներու եւ Ներգաղթի Բաժանմունքը (Aliens and Immigration Unit) կը տեղեկացնէ, թէ յետ այսու, Կիպրական Ինքնութեան Թուղթ (I.D. card) պիտի չտայ երրորդ երկրի քաղաքացիներուն եւ Եւրոմիութեան անդամ երկիրներու հպատակներուն, որոնք Կիպրոս օրինաւոր կեցութիւն հաստատած են:

Երրորդ երկիրներու քաղաքացիներ

Ըստ Եւրոպական Միութեան ցուցմունքին, բոլոր Եւրոմիութեան անդամ երկիրները պիտի որդեգրեն կենսատուեալներով (biometric data) նոր ու միաձեւ կեցութեան արտօնագիրի տեսակ: Մինչեւ այս տարուայ վերջաւորութեան, օտարահպատակները պիտի կարենան դիմում կատարել ստանալու նոր կեցութեան արտօնագիրներ: Բաժանմունքը յատուկ յայտարարութեամբ մը, տեղեկ պիտի պահէ դիմումնագիրներու հրատարակութեան մասին, երբ

պատրաստ ըլլան անոնք: Մինչեւ այդ, օտար քաղաքացիները պետք է գործածեն իրենց Օտարահպատակներու Արձանագրութեանց Հաստատագիրները (ARC կամ Alien Book), կեցութեան արտօնագիրին (Residence permit) հետ միասին:

Եւրոպական Միութեան քաղաքացիներ

Եւրոպական Միութեան քաղաքացիներուն օրինաւոր կեցութիւնը կ'ապահովուի արձանագրութեան հրամանով (MEU1 - yellow slip), իսկ իրենց ընտանեկան անդամներունը, որոնք Եւրոմիութեան երկրի քաղաքացի չեն, կեցութեան հրամանով (MEU2A - yellow slip) կամ մշտական կեցութեան հրամանով (MEU3 - yellow slip).

Ըստ պահանջեալ հարկին, փոխան նախապէս տրուած հնքնութեան Թուղթին, կարելի է նամակ մը ապահովել Օտարահպատակներու եւ Ներգաղթի Բաժանմունքէն, որ կը հաստատէ տուեալ անձին ինքնութիւնը՝ համազօր իր ունեցած կեցութեան հրամանին: Այս վերջինը, կարելի է օգտագործել կառավարական բաժանմունքներու, դրամատնային եւ այլ սպասարկութիւններու գործողութիւններու ընթացքին:

Շեշտենք, թէ նոր կեցութեան հրամանն ալ, նախկինին նման, չի կրնար գործածուիլ որպէս ճամբորդական փաստաթուղթ (Travel Document):

ԿԻՊՐՈՍԻ ՀԱՆՐԱՊԵՏՈՒԹՅԱՆ - ՆԵՐԿԱՅԱՑՈՒԹՅԱՆԵՐՈՒ ՏՈՒՆ
ՎԱՐԴԵՍ ՄԱԴԵՏԵՍԻԱՆ Կիպրահայ Դամայնքի Պետական Ներկայացուցիչ



REPUBLIC OF CYPRUS - HOUSE OF REPRESENTATIVES
VARTKES MAHDESSIAN Representative of the Armenian Community

ΚΥΠΡΙΑΚΗ ΔΗΜΟΚΡΑΤΙΑ - ΒΟΥΛΗ ΤΩΝ ΑΝΤΙΠΡΟΣΩΠΩΝ
BARTKES MAXTESIAN Εκπρόσωπος της Αρμενικής Κοινότητας

PRNM 03/11

24.05.2011

Շնորհակալագիր

Սույն գրութեամբ կը փափաքեմ սրտագին շնորհակալութիւնս յայտնել Կիպրահայ գաղութի բոլոր անդամներուն անխտիր, որոնք իրենց մասնակցութիւնը բերին Կիրակի, 22 Մայիս 2011-ի Կիպրոսի մէջ կայացած Խորհրդարանական Շնորհութիւններուն:

Երախտագիտութիւնս կը յայտնեմ նաեւ բոլոր անոնց, որոնք անձամբ, հեռաձայնային հաղորդակցութեամբ կամ Ե-Նամակներով շնորհաւորեցին վերընտրութիւնս, որպէս Կիպրահայ Դամայնքի Պետական Ներկայացուցիչ:

Իմ կարգիս, կը խոստանամ բժայխնդորէն ու նոյն թափով շարունակել ինծի վստահուած պարտականութիւնը, բոլոր կարելիութիւններս ի սպաս դնելով գաղութիս ընդհանրական շահերուն:

Կը հաւատամ, թէ այս յաջողութիւնը միակողմանի չէ եւ կը պատկանի բոլորին: Զետեւաբար, միասնաբար պիտի շարունակենք աշխատիլ նոյն համերաշխական ոգիով՝ ի նպաստ մեր համայնքի բարօրութեան:

Անկեղծութեամբ՝

V.M.I

Վարդէս Մահտեսեան
Կիպրահայ Դամայնքի Պետական Ներկայացուցիչ

ՈՒՇԱԴՐՈՒԹԻՒՆ

Ամառուայ արձակուրդի շրջանին,
 Երեսփոխանական Գրասենեակը
 փակ պիտի մնայ
 Երկուշաբթի, 8 Օգոստոսին
 մինչեւ
 Կիրակի, 28 Օգոստոս 2011-ը:

ԿԻՊՐԱՅԱՅ ՀԱՄԱՅՆՔԻ ՊԵՏԱԿԱՆ ՆԵՐԿԱՅԱՑՈՒՑԻՉԻ ԳՐԱՍԵՆԵԱԿ

Քաղաքական Գրասենեակ

9B & C Kastorias Street, Ayia Paraskevi, 2002 Strovolos
 Հեռախոս 22- 45 45 40, Հեռատիպ 22- 42 46 42
 Ել. Հասցե office@armenianmp.com
 Ուտայնէջ՝ <http://www.armenianmp.com>

Խորհրդարանական Գրասենեակ

Office Δ-2-2, House of Representatives, 1402 Nicosia
 Հեռախոս 22- 40 72 02, Հեռատիպ 22- 40 74 42
 Ել. Հասցե vmahdessian@parliament.cy